


Samfala pipol oli save toktok i defren taem we oli stap long intanet kompea wetem taem oli toktok long fes blong ol pipol. Long intanet, maet oli harem se oli strong o oli gat moa paoa, nao oli save yusum ol rabis toktok we i no stret, we oli no save talem taem we oli stap long fored blong ol narafala man.

Taem we yumi stap storian long fored blong yumi, yumi save lukluk gud fes blong yumi mo i mekem yumi traem toktok wetem rispek, be taem yumi stap toktok long intanet, i moa isi blong yumi nomo soem rispek long yumi.

Taem yumi stap toktok wetem wan long intanet, maet yumi no save lukluk gud ae blong yumi, o yumi no save harem gud saon blong voes blong yumi, o yumi no save luksave gud long fes blong narafala man se hem i glad, o hem i kros, o hem i gat intres blong stori wetem yumi o maet hem i les nomo.

Wanem we yumi talem, maet ol narafala man oli no save haremsave gud i mekem se oli tekem rong mining long toktok blong yumi, i mekem se yumi mas traehad mo lukaot gud oltaem taem we yumi stap komuniket long intanet.



## Rispektem mo akseptem ol defren samting

Yumi evriwan i no semak, yumi kamaot long ol defren ples, yumi gat ol defren kastom mo ol defren tingting, mo yumi stap toktok long ol defren lanwis - olsemia nao hem i impoten blong yumi rispektem mo akseptem yumi wanwan nating we yumi defren.


Sipos yu traehad blong wokem ol gudfala koneksen wetem ol narafala man, bambae i givhan blong mekem se intanet hem i olsem wan komuniti we ol pipol insaed long hem oli stap lesen gud long olgeta, oli stap luksave olgeta, mo oli stap wok gud tugeta.

## Olsem wanem nao bambae mi save komuniket wetem rispek?

1. Yu mas stap luksave oltaem se maet yu stap lukluk long wan skrin nomo, be bihaen long skrin ya i gat ol narafala man we oli olsem yu nomo. Evri wanwan pesen oli impoten, nao yu mas mekem i gud long olgeta olsem nomo we yu wantem se oli mekem long yu.
2. Oltaem, traem putum yu long sus blong narawan, mo traem tingbaot se maet ol narafala man oli no lukluk long ol samting i semak olsem yu, i mekem se i gud blong yu kaen long ol narafala man mo yu akseptem ol defren kaen filing o kastom o tingting we maet oli gat.
3. Tingting gud mo no hariap tumas blong disaedem wan samting: jekem gud fastaem se yu kasem evri infomesen finis, bifo we yu givim wan ansa o talem maot wan tingting.

Mi Mi Save Intanet

Tingtingbak



*"Mi stap tingting gud mi wan fastaem, afta mi jes serem tingting i go"*

Rispek



*"Mi stap mekem long ol narafala man i olsem we mi wantem oli mekem long mi"*

Aksen



*"Mi stap folem ol sef mo stret fasin blong yusum intanet"*